

TE MAN N RAOI.

"Tai maku; ba noria, I tuaññkami te roñoroño ae raoiroi."

Vol. 3.

KUSAIE, JANUARY, 1902.

No. 1.

TE KUKUREI I KARAWA.

Kaoti. 21:1-7.

BON te kukurei ni koana aei ba bon akea tokina; ba a bati ao-mata aika a aki toki ni bobotaki iai. Akea te bai teuana ae na aki kukurei te aba iai ba a riki b'ai ni bane ni b'ai nabañkai, aika a tamaroa, aika akea ae e kona ni kaota raoi aron tamaroaia, aika b'ai aika a katauraoki iroun te Atua, aika a tuai n noraki ni mata ma n oño te taniña. I. I-Ko. 2:9. E taekin baini karawa Ioane n te Kaotiati ao e kabotaunaria ma b'ain non te aba aika moan te tamaroa.

A bati ni kukurei naba kama ba moan te tamaroa aia kawa are Ierutarem nabañkai, ao e ababaki ma n tauraai naba. Ioa. 14:2.

Ueah te kawa arei bon te Atua are Moan te Maka, ao E raoiroi ao E akoi nakoia ana aomata ni bane, ma ñaia are a bati ni kukurei ana koraki i Rouna ti neboia n te anene are ana arene Mote, ma ana anene te Tibutetei. Kaoti. 15:2-4.

Bon akea kain nanaia n te b'ai teuana ae a taniñia, ke ae a na rawawata iai. Ana b'ai te Atua ni bane bon aia b'ai ba bon natina kaina ni kabaneia. Bon ana taeka Iesu ba bon raora ao tiaki ana toro ñaira. Ioa. 15:15. Bon ara b'ai baikai ni bane ñkana ti tokanikai. Karawa bon abara are E mena iai Tamara. I-Bir. 3:20.

Ai kukurei ra raora aika a tia n roko iai! ao ai kabata ra ñai'a ñkai akea te nanokawaki ma te maraki i rouia!

Keiaki tokanikai i aon ami buaka ni bane, ba kam aña n roko n te aba ni kukurei are i karawa.

Ti na ataia naba, ba b'ain aon te aba aei a aki man tamaroaia n nonoraki irouia aomata, ma b'aini karawa bon akea tokin tamaroana.

TE TIA BUAKA.

I-Eb. 6:10-20; II. Tim. 2:3,4.

TE buaka i bukin Kristo bon te makuri teuana ae moan te kanato, ba aomata aika tani buaka bon aika a maruruñ ma ni korakora ma n ninikoria ma ni kakaonimaki ma ni botum'aka, ao ni itiak. ma n oñeaba ma ni wanawana.

Te taña are ana kairiribai Kristo bon moan te ababaki ma te korakora ao ni wanawana naba. Bon te tia mamana te ala Tatan, ao te tia kamamate. Ioa 8:44. Aomata ni bane ake a iria bon iriana naba.

Ana tia buaka Kristo ñaira aika raona ni kabaneira. Ma ñaia aei ñkai tani buaka ñaira ao bon tani kamaiu naba mai nanoni bain Tatan, ao e riai ba ti na karin b'ai ni buaka ake mairoun te Atua. I-Eb. 6:12.

E kaki b'ai aika e tabeaiña iai te tia buaka ba e aña ni buaka n te aro ae moan te riai ae e kona n tokanikai iai, ao e na kukurei naba

mataniwina i rouna. E na tai nano-aña te kairiribai teutana ñkana e a baka, ma e na boni kamatea ma ni kabakua. I. Tam. 17:51. Ti aki tokanikai ñkana e tuai ni mate te buakaka are ana makuri Tatan ae e mena i nanoia aomata aika a bati aika a atoñaki ba kain ana taña.

Ao ñkai a bati aiara aika ti na buakania, ao tiaki e riari ba ti na korakora ma n ninikoria i bukin te Kristo?

Moan te raoiroi naba atoñaia tan buaka i bukin Iesu, ba bon tan uota te roñoroño ae raoiroi nakoia aomata ni bane. I-Rom 10:15.

Ma ñaia ae ti na tai riki ba tani buaka aika a kan kamoamoaki, ma ni baka n raoiroi, ba E taratara te nano te Atua. I. Tam. 16:7. E kukurei te Atua ironn a e ninikoria ae e kakaonimaki ma n teimatoa n aki ke rikaki n te buaka.

Ti aki kona n tokanikai i bon i roura ba akea m'akara Mak. 3:12 ma ti kona n tokanikai ni b'ai ni bane ironn Iesu. I-Bir. 4:13.

TE BOTUM'AKA.

Mat. 5:13-16, 25:14-30.

AO terana ae ti na bae ni botum'aka iai? Boni karaoan ae raoiroi, ma te makuri are ti añanaki ironn Iesu ba ti na karaoia. Ti a tia n rineaki ironn Iesu ba tani makuri i bukina. Tiaki te makuri ae kai karaoaki, ba te makuri ae moan te kañaña. E aki konaki ni karaoaki ironia aika a mamara ma ni kai bara nanoia, ke aika a kai anaki nanoia ma n nanououa.

Boni moan te karineaki, ma te kamoamoaki ironn te Atua te aomata ae e rineaki i buakoia raona ba te tia karaoa ana makuri Iesu. Ao bati ra riki kukurein te Atua i rouna ñkana te tia makuri ae e bon kakaonimaki ni koaua? Ruk. 19:16-20.

Ti na botum'aka naba ni karakina Iesu ae bon te maiu i nanoia tan ira nanona. Akea te maiu ironia aomata ba ti ironn Iesu. Ioa. 11:25:14:6; Mak. 4:12.

A bae aomata ni mena i buakon te ro, ao akea te b'ai teuana ae na buoki'a riki nakon kaotan te ota nako ia ba a aña ni kona n nora t. bai ae a na maraki iai ke ni mate. Ma ñaia ae bon ara makuri aei ae te botum'aka ni kaota te ota. Ao tera te ota? Bon Iesu te ota ni koaua. Ioa. 1:7-10, ae ti tise iai ni kani botum'aka ni kaotia nanoia a'e a mena n te ro. Ma ñaia aei ñkana ti aki kakaonimaki ni kaota Iesu, ma ni kaoti aia bure nako ia ao e ia mena aia bure i aora, Etek. 3:18-21.

Ti na tai botu ni kara i b'ai ni ba e aika ti añanaki ironn te Atua ba ti na karaoi, ma ti na botum'aka ni karaka ara tarena.

Tiaki bon te karineaki ma te kamoamoaki te aomata ae e karaoa raoi aha makuri are nairoun Iesu? Ruk. 19:16-20. Ma ñaia aei tan makuri aika kam a kal-aia, kam na botum'aka ni kaota te ota, ma ni karaka riki ami tarena. Tai tani-ñaroti n aron tenare e añanaki ti teuana.

BAURO AE NABAŊKAI.

A O rimwi e nakonako teniboŋ nakon te kawa ae raroa ae iai ana bu iai tabeman, ma akea te Kristian iai, ao e nena iai tabeua te namakaina. Rimwi e oŋo Mr. Richards ba iai Kristian n te kawa arei. E tataiŋa teuana te ririki, ao rimwi e nako n nora te makuri. E noria uaŋaun te aomata aika a tauraai n rin n te Ekaretia—ma Kristian aika a bati.

Ao rimwi a onimakina Nloko aomata, E babetitoia Mr. Richards, ao e aŋanna te ara nabaŋkai ae Bauro, ba kioina ŋke ti te bo arona ma te tia tuatua are Bauro.

Ao rimwi e nako n te kura n reirei ruaiua namakaina. N toŋia te tai arei e kona ni wareware na ni kaota nanon te Baibara ma tem'aka. Kaŋa e on n Tamnein te Atua ao kaŋa akea ana iaŋo ba ti e kani kairia aomata nakon Kristo.

Iai te kawa ae bati ni buakaka ae arana Kinkanza. N te boŋina e nako te tia reirei n te tabo arei nakon Mr. Richards ao e kaŋai, "I aki konan nako riki nakon te tabo arei! I aki mutiakina butim'aeau i rouia ma te kati. I aki mutiakina batibonau i rouia ma toubekau, ma ŋkui a kaenacna ao ni karereantia aran Iesu, ao I aki kona taonan nanou iai."

E taku Bauro, "N na nako n te tabo arei." E nako ma e aki maneaki i rouia. E aki bara nanona. E karekea te um'a ae te kunikai ao e kateia i tinanikun te kawa, i rarikin te kawai ike a otinako ma n rinrin iai aomata. E tiku n te tabo

arei tabeua namakaina ni kai nanona n te mariri na te baki ao te mamara, ma akea ae rairaki. Ao rimwi e roko temanna, ao e taku ba e rinea te Uea ba ana Uea. Ao ana aomata a ribaia, ao tinana e kani kamatea. E kan nako teuarei ni maeka iroun Mr. Richards, ma e kaŋai Mr. Richards, "Tiaki. Ko na okira am auti, ao kaoti baika E karoai te Atua i bukim aika a ababaki." Ma e kaŋai, "A na aŋanai te b'ai ni kamamate." E taku Mr. Richards, "Akea boŋana. Nako oki." Ma ŋaia are e oki, ao e katea ana auti ae uarereke i rarikin um'ani Bauro. Ao rimwi e roko temanna, ao maŋa temanna, ni karokoa rekeia tenibubua kain te Ekaretia iai. Ŋkai a tia ni katea te maneaba ae ababaki, ao a teirake ni kanakoia tan reirei nakon kawa tabeua. Ni maŋaun mai buakoia a ri aon te karaŋa are te Congo, ao a tiku i buakoia aomata akekei teniboŋ ni kaotioti, ma n tackina Iesu. Ao ŋkai iai kaŋa te Ekaretia ikeke, ao te makuri e a taorababa.

N te boŋaei iai Kristian aika a maiti riki nakon ninabubua aika a kairaki nakon Iesu iroun Bauro. A naŋi bane n ti te bo ma ŋaia n aroia ni keiaki, ma n on n te Tamnei.

Kaotioti te Euaŋkerio! Bori ŋaia are e nru nanaia iaiani bekan. Akea te m'aka i aonaba n ai aron karakinan ana kaibaŋaki Kristo ae kakaotiotaki ni m'akan te Tamnei.

"I aki mama n te Euaŋkerio: ba boni m'akan te Atua ni karekea maiun te aomata ae onimaki."

TE MAN N RAOI.

E KAOTAKI IROUN

TE G.I.T.S. KABOWI

N te katenua n namakaina ae koraki
i bukin te Euañkerio i aon Gilberts.

✱ Editors. ✱

I.M. CHANNON.

MOTE T. TIRA. ALBERT RANDOLF.

ROÑOROÑON KUSAIE.

✱

Oct. E bati ni mamara Nei Raete
n te mamara are e a mate naba iai:
ao e mate n te namakaina naba aei.

✱

Nov. E roko te Carrie & Annie mai
Ruk. E waeremwe n oki ba e roko i
Guam naba. E roko naba te steamer,
ao e toka i aona Miss Olin mai Sydney.
E nako Marshall te Carrie & Annie, ao
a iri Dr. Rife, ao Miss Hoppin ma aia
koraki tabeman.

✱

Dec. E tabe te aba ni katauraoi i
main te tai ni Christmas, ni kamateaki
taian anene, ma kibū tabeua man te
Baibara, ao e botaki te aba i Yourak.
Iai naba te Santa Claus.

◆◆◆

TE RETA AE ROKO N TAINA.

N ABWI te ririki fikoa e a rabunaki
aon tabukin Cumberland n te tino.
Ao iai te afae e karekare ni kataba-
nina anā auti Shepherd Duncan, ae e
memena iai tabe-tai, ma e weteia te
Atua mai aonteaba nako karawa.

E kitana buia ma natina uoman, ao
bon te aine ae ninikoria ma n oninaki
ma ni kairia raoi natina, ao e aki toki
ni kafiai nako ia— "Tamami i aonte-

aba e mena i karawa, ma Tamami are
i karawa E mena i roumi ikai."

John Duncan tao tebwī ma teuana
ana ririki, ao manena ae Jessie tebwī-
na n te tai arei. Iai kanaia teutana te-
buana te berena ao teutana te oatmeal.

Ma a ata tinaia ba e onimakina te
Atua ma ana taeka. Ao ana onimaki e
rau nanona iai ma natina. E taku John
nakon tinana, "Tinau e taku James
McNeill ba kafia E manuokira te Atua.
I tuañña ba ti ataia." E taku tinana,
"E aara fike e atofia ane?"

E kaeka John, "I tuañña ba N na 'ki
nakon te reirei ni karokoa reken riki au
kunikai. E aki atofia aei ni basiaomata,
ma e atofia ni kaota m'mina fike E ana
tamara, ao ti kawa iai."

E taku tinana, "Ti aki kawa," ao e
uota te berena ma te atiba ae on n te
ramimamma, ao e taku, "E kanakoa
aei Mrs. Reed n te bofi aei. Natu ira
nanou, ba E na bon tarataraira Iehova.
ti na tai maku. I iañña te kibū are e
kafiai, 'Tai maku, ba I memena i roum.
N na kakorakorako, efi N na buoki-
ko'. I butia te Atua ba E na kakoroa
ana taeka n akoi, ao I taku ba E na
boni kakoroa."

Ao i mwin buñin tai, a ofio te kare-
bwerebwe n te mataroa, ao e kaukia
John, ao e taku manena, "Tao E kana-
koa te amaraake te Atua i bukira. ' Ma
fike a noria bon te reta.

E warelia Mrs. Duncan. ao e taku.
"Kamoamoā Iehova natu; ae E kaeka-
ira. Mairoun ami bu i London te reta
aei; e kanakoa te rukuna ni kunikai ae
ababaki nako ira. E tuaññai ba N na tu-
añña arora, ao e taku e na kukurei ni
kanakoa teutana te mane nako ira n
te taina fikana a kai nanora iai.

E taku Jessie nakon tinana "E tua-
ñña te Atua ba e na koroboki?" E taku
tinana, "I taku ba efi." E taku tarin ta-
mami ba e na buokira n aron ae e kona.